

明代傳記叢刊・綜錄類⑧
周駿富輯

徐本明史列傳(三)

(清)徐乾學等撰

明文書局印行

WLB/11

明史卷三十九

黃宗載

劉中敷

鄭堃

王佐 丁勉等

徐琦

柴車

鄭辰

魏源

趙榮 霍瑄

崔恭

楊昂 翁世甫

周瑄 子松

潘榮 黃錫

胡拱辰

陳俊

林鶚

夏時正

黃宗載一名皇字厚夫豐城人洪武三十年進士授行

人奉使四方未嘗受餽遺累遷司正永樂初以薦為湖

廣按察司僉事巨奸宿猾多誦戍銅鼓五開間陰持官

091-004

學問文章俱負時望。公卿大夫齒德之盛。推宗載云。
劉中敷大興人。燕王舉兵。以諸生守城功。授陳留丞。擢
工部員外郎。仁宗監國。命署部事。遷江西右叅議。宣德
三年。遷山東右叅政。進左布政使。質直廉靜。吏民畏懷。
歲大祲。言於巡撫。減賦三之二。正統改元。父憂。奪情。俄
召拜戶部尚書。帝冲年踐阼。慮羣下欺已。治尚嚴。而中
官王振。假以立威。屢撓大臣小過。漸帝用重典。大臣下
吏無虛歲。三年。諷給事御史劾中敷。與左侍郎吳璽等
下獄。六年。言官劾中敷專擅。詔法司於內廷雜治。當流
輸贖還職。帝特宥之。其冬。中敷璽及右侍郎陳璘。請以

供御牛馬。次收民間言官劾變亂成法。並下獄。論斬詔荷校。長安門外。凡十六日而釋。尾刺入貢。詔問馬駝。爲救數。不能對。復與璽瑞論斬繫獄。中數以母病。特許歸省。明年冬。當決囚。法司奏請。命璽瑞戍邊。中數俟母終。具奏。已釋爲民。中數等數下獄。本無大過。帝察察示明。而振以酷助之。楊士奇溥猶在位。莫能救也。景帝立。起戶部左侍郎兼太子賓客。居五年卒。中數性淡泊。食不重味。仕官五十年。家無餘貲。子璉。正統十年進士。授刑科給事中。累官太僕寺卿。取華靡。居官剛果。左遷遼東苑馬寺卿卒。子機。幼有孝行。登進士第。入翰林。正德中。

屢遷吏部尚書。俄乞歸。起南京兵部尚書。忝贊機務。流賊犯江上。衆議擇將。適都督李昂自貴州罷官至。機即召任之。昂以無朝命辭。機曰。我先奉詔勅。勅所不載。聽便宜。此即朝命也。衆服其膽識。致仕歸卒。

鄭堃。字孟質。宜章人。永樂九年進士。授監察御史。成祖在北京。或奏南京鈔法。爲豪民沮壞。帝遣堃廉視。衆謂將起大獄。堃執一二市。歸奏曰。市人聞令震懼。鈔法通矣。事遂已。倭犯遼東。戍守失律者百餘人。皆應死。命堃按問。具言可矜狀。帝爲宥之。營造北京。執役者鉅萬。命堃稽省。病者多不死。十六年。有言秦民羣聚謀不軌。

者。擢陝西按察副使。勅以便宜調兵勦捕。堃白其誣。詔誅妄言者。宣德四年。賑闕中饑。在陝久。刑政清簡。父憂服除。擢應天府尹。獨苛急政。市征田稅。皆酌其平。正統元年。進兵部右侍郎。書王驥屢出巡邊。堃獨任部事。時邊陲多警。將帥無^之人。堃請令中外博舉謀畧材武士。以便任使。十年。代徐晞爲尚書。舊例諸衛自百戶以下。當代者。必就試京師。道遠無資者。終身不得代。堃請各都司試之。人以爲便也。先入寇。王振主親征。不與外廷議可否。詔下。堃上疏言也。先入犯。一過將足制之。陛下爲宗廟社稷主。奈何不自重。不聽。既扈駕出關。力請

回鑾振怒。令與戶部尚書王佐。皆隨大營。楚墮馬幾殆。或勸留懷來城就醫。楚曰。至尊在行。敢托疾自便乎。車駕次宣府。朱勇敢沒。楚請疾驅入關。嚴兵爲殿。不報。又請行在申請。振怒曰。腐儒安知兵事。再言者死。楚曰。我爲社稷生靈言。何懼。振叱左右扶出。楚與佐對泣帳中。明日師覆楚死。年六十五。楚爲人勤廉端謹。性至孝。父子輔爲句容教官。教楚甚嚴。楚在陝久。思一見父。乃謀聘父爲鄉試考官。父怒曰。子居憲司。而父爲考官。何以防閑。馳書責之。楚又嘗寄父褐。復貽書責曰。汝掌刑名。當洗冤釋滯。以無忝任使。何從得此褐。乃以汚我。封還。

之。堃奉書跪誦。泣受教。景泰初。贈堃少保。官其子儀爲主事。成化初。賜諡忠肅。

王佐。海豐人。永樂中舉於鄉。卒業太學。以學行聞。擢吏科給事中。罷。宇凝重。奏對詳雅。爲宣宗所簡注。宣德二年。超拜戶部右侍郎。以太倉臨清德州淮徐諸倉多積弊。勅佐巡視。平江伯陳瑄言。漕卒十二萬人。歲漕艱苦。乙僉南方民如軍數。更番轉運。詔佐就瑄及黃福議之。佐還。奏東南民力已困。議遂寢。受命治通州。至直沽河道。已赴宣府議屯田事宜。英宗初立。出鎮河南。歲中又命督甘肅軍餉。已又理長蘆鹽課。提督京倉。所至事無

不辦。在河南時。疏言軍衛倉奸蠹百端。請領於有司。天下便之。正統七年。遷尚書。坐事下吏。已獲釋。時軍旅四出。耗費動以鉅萬。府庫空虛。佐從容調劑。節縮有方。在戶部久。不爲赫赫名。而寬厚有度。政務_{同糾}糾紛。未嘗廢學。人稱其君子。與_宋鄭楚丁鉉王永和鄧榮同死難。贈少保。官其子道。戶部主事。成化初。謚忠簡。

丁鉉。字用濟。豐城人。以進士授太常博士。歷工刑吏三部員外郎。進刑部郎中。正統三年。超拜刑部侍郎。嘗理茶法於蜀。奏減其常數。以俟豐歲。賑饑江淮及山東河南。民賴之甦。平居恂恂若無能。臨事悉治辦。從征沒。贈

刑部尚書。官其子琥大理評事。後謚襄愍。王永和字以正。崑山人。少至孝。父病伏枕十八年。侍湯藥無少懈。永樂中舉於鄉。歷嚴州饒州訓導。以襄義薦爲兵科給事中。嘗劾都督王瑄。鎮薊州縱寇。及錦衣馬順不法事。持冊歸世子妃。糾中官褻傲罪。以劾直聞。正統六年。進都給事中。八年。擢工部右侍郎。從征沒。贈工部尚書。官其子女賢大理評事。後謚襄敏。鄧榮字孟擴。南城人。永樂末年進士。授監察御史。奉勅巡按蘇松諸府。期滿將代去。父老赴闕乞留。得請。旋以憂去。宣德十年。陝西關按察使。詔廷臣舉清慎有威望者。楊士奇薦榮。遂以命之。

正統十年入爲右副都御史。北征扈從。師出居庸關。疏請回鑾。以兵事專屬大將。至宣府大同。復再上章。皆不報。及遇變。同行者語曰。吾輩可自脫去。榮曰。鑾與失所。我尚何歸。主辱臣死。分也。遂死。贈右都御史。官其子瑞大理評事。後益襄敏。英宗之出也。薄文武百官以行。六師覆於土木。將相大臣及從官死者。不可勝數。其姓氏可考者。卿寺。龔全安。黃養正。戴慶祖。王一居。劉容。凌壽。給事御史。則包良佐。姚銑。鮑輝。張洪。黃裳。魏貞。夏誠。申祐。尹竑。童存德。孫慶。林祥鳳。庶寮則齊汪。馮學明。王健。程思溫。程式。逯端。俞鑑。張塘。鄭瑄。俞拱。潘澄。戴昂。馬預。

尹昌。羅如壙。劉信。李恭。石玉。景帝立。既贈卹諸大臣。自給事御史以下。皆降勅褒美。錄其子爲國子生。一時卹典。基傳云。龔全安。蘭溪人。進士。授工科給事。累遷左通政。沒。贈通政使。黃養正。名蒙。以字行。瑞安人。以善書。授中書舍人。累官太常少卿。沒。贈太常卿。戴慶祖。溧陽人。王一居。上元人。俱由樂舞生。累官太常少卿。沒。俱贈太常卿。包良佐。字克忠。慈谿人。進士。授吏科給事中。鮑輝。字叔大。浙江平陽人。進士。授工科給事中。數有建白。張洪。安福人。進士。黃裳。字元吉。曲江人。進士。俱授御史。裳嘗言寧紹台三府疫死三萬人。死者宜蠲租。存者宜賑。

卿巡視兩浙鹽政。請卹水災。報可。魏貞懷遠人。進士官御史。申祐字天錫。貴州婺川人。父爲虎噬。祐持挺奮擊之。得免。舉於鄉。入國學。帥諸生救祭酒李時勉。旋登進士。拜四川道御史。以謇諤聞。尹茲字太和。巴人。進士官御史。童存德字居敬。蘭谿人。進士官御史。林祥鳳字鳴皋。莆田人。由鄉舉授訓導。擢御史。俞鑑字元吉。桐城人。以進士授兵部職方司主事。駕北征。郎中胡寧當從。以病求代。鑑慷慨許諾。或曰。家遠子幼。奈何。鑑曰。爲國臣子。敢計身家。尚書鄭瑋知其賢。數與計事。鑑曰。惟力勸班師耳。時不能用。張塘字廷玉。慈谿人。進士。授刑部主

事。尹昌。吉水人。進士。官行人司正。羅如壩。字本崇。廬陵人。進士。授行人。從北征。瀕行。訣妻子。誓以死報國。屬翰林劉儼。銘其墓。儼驚拒之。如壩笑曰。行當驗耳。途中與昌作歌詩相唱和。皆慷慨誓死之言。後數日竟死。劉容太僕少卿。凌壽。尚寶少卿。夏誠。孫慶。皆御史。齊汪。馮學明。皆郎中。王健。程思溫。程式。逯端。皆員外郎。俞拱。潘澄。錢昂。皆中書舍人。馬預。大理寺副。劉信。夏官正。李恭。石玉。序班。里居。悉無考。又有孫祥者。大同人。正統十年進士。由兵科給事中。擢右副都御史。守備紫荆關也。先逼關。都指揮韓青戰死。祥督兵巷戰。兵潰被殺。言官悞劾。